

Ruj. : MBOT.600-8/5/1 JLD 2 (14)  
Tarikh : 7 Mac 2024

## KEPADA SEMUA PEMBERI PENDIDIKAN

YBhg. Tan Sri/ Datuk/ Dato'/ Prof./ Dr./ Tuan/ Puan,

### PEMAKLUMAN GALAKKAN PEMBERIAN PINDAH KREDIT KURSUS SECARA *VERTICAL* SEBANYAK 50% KEPADA PELAJAR YANG MENGIKUTI PROGRAM TEKNOLOGI DIAKREDITASI MAJLIS AKREDITASI TEKNOLOGI DAN TEKNIKAL, LEMBAGA TEKNOLOGIS MALAYSIA

Dengan hormatnya perkara di atas adalah dirujuk.

2. Untuk makluman YBhg. Tan Sri/ Datuk/ Dato'/ Prof./ Dr./ Tuan/ Puan, akreditasi daripada Lembaga Teknologis Malaysia (MBOT) menerusi Majlis Akreditasi Teknologi dan Teknikal (TTAC) bukan sahaja merupakan satu kesinambungan kepada dasar Negara untuk terus memacu transformasi pembangunan tenaga profesional yang memiliki kompetensi yang sewajarnya, tetapi juga membuka peluang untuk graduan memasuki pasaran kerja lebih awal, bagi menampung keperluan tenaga profesional Negara dalam era Revolusi Perindustrian 4.0.

3. Sehubungan itu, pemberi pendidikan yang menawarkan program teknologi diakreditasi TTAC MBOT digalakkan memberi pindah kredit kursus secara *vertical* sebanyak 50% kepada pelajar yang mengikuti program tersebut. Inisiatif ini adalah seiring dengan Dasar Jaminan Kualiti Pendidikan Tinggi dan Dasar Akreditasi Lembaga Teknologis Malaysia yang membenarkan pindah kredit maksima sebanyak 50%. Melalui inisiatif ini tidak hanya dapat memendekkan tempoh pengajian pelajar berikutan dapat mengurangkan pembelajaran berulang apabila menyambung pengajian ke peringkat lebih tinggi, malahan dapat memotivasikan calon pelajar untuk melanjutkan pengajian.


4. Pada masa kini, kehilangan tenaga profesional tempatan amat dirasai Negara ekoran enrolmen pelajar dalam program berteraskan sains, teknologi, kejuruteraan dan matematik (STEM) di pemberi pendidikan yang rendah. Oleh yang demikian, pemberian pindah kredit kursus secara *vertical* sebanyak 50% kepada pelajar yang mengikuti program teknologi diakreditasi TTAC MBOT merupakan solusi terbaik meningkatkan enrolmen pelajar bagi menampung keperluan tenaga profesional Negara.

5. Semoga galakkan ini mendapat maklum balas positif daripada pihak YBhg. Tan Sri/ Datuk/ Dato'/ Prof./ Dr./ Tuan/ Puan, seterusnya memberi impak positif kepada Negara. Sebarang pertanyaan lanjut bolehlah menghubungi Sekretariat Akreditasi Teknologi dan Teknikal di talian 03-8800 6221 atau melalui emel [ttas@mbot.org.my](mailto:ttas@mbot.org.my).

Segala perhatian dan kerjasama pihak YBhg. Tan Sri/ Datuk/ Dato'/ Prof./ Dr./ Tuan/ Puan terhadap galakkan ini amat dihargai.

Sekian.

Saya yang menjalankan amanah,



**(LT. KOL PROF. DATO' TS. DR. ZALIMAN BIN SAULI)**

Pengerusi

Majlis Akreditasi Teknologi dan Teknikal

Lembaga Teknologis Malaysia